



UNIVERSITÄTS-
BIBLIOTHEK
PADERBORN

**Ethica Symbolica E Fabularum Umbris In Veritatis Lucem
Varia Ervditione Noviter evoluta**

Pexenfelder, Michael

Monachii, 1675

12. Herculis comparatio.

[urn:nbn:de:hbz:466:1-68709](#)

Sic ubi mortales Tirynthius exuit artus,
Parte sui meliore viget, majorque videri
Cæpit, & augusta fieri gravitate verendus.
Quem pater omnipotens, inter cava nubila raptum
Quadrijugo curru radiantibus intulit astris.

Ad propositum Horatius lib. 3. Od. 3.

Justum & tenacem propositi virum
Non civium ardor prava jubentium,
Non vultus instantis Tyranni.
Mente quatit solidam.
Hac arte Pollux, & vagus Hercules:
Innixus, aves attigit igneas:
Quos inter Augustus recumbens
Purpureo bibt ore nectar.

His artibus, id est virtutibus, justitia scilicet & propositi constan-
tia, Heroës veteres Deorum mensis accubuerunt. Tyrannus ferox erat
Eurystheus, qui virtutem Herculis exercuit, & ad ingentia præmia pro-
vexit. *Vagus* hic dicitur, ob multa maria, & longinquas terras pera-
gratas. Laudat hæc Seneca in Herc. Oetæo.

Nunquam stygias fertur ad umbras
Inclita virtus. Vivite fortes!
Nec Lethæos sæva per amnes
Vos fata trahent: sed cum summas
Exiget horas consumpta dies,
Iter ad superos gloria pandet.

X I. (q) Juvat hic apponere elegantem comparationem inter
Herculem & Samsonem, ut magis atque magis appareat, quod non se-
mel ostendimus. Poëtarum commenta non esse tam cassa & inania, ut
tanquam ex paleis nihil melioris doctrinæ excuti vel extundi possit. Nam
altior sœpe veritas, & quidem sacra, sub his umbris latet. Audiamus
virum excellentis doctrinæ de utroque heroum istorum differentem.
Hercules fertur, inquit P. Georgius Stengelius tomo 2. de Judiciis div.
c. 50. n. 12. in prima jam ætate adeò fuisse robustus, ut vel in cunis
duos angues, arctato gutture eliserit. De Samsone scribitur: *Crevit*
puer, & benedixit ei Dominus, et ipsique Spiritus Domini esse cum eo. Ju-
dic. 13. Quia scilicet heroica animi & corporis fortitudine eum do-
navit. 2. Hercules fingitur adamantinas inferorum portas effregisse, ut
inde

(q) Comparatio Samsonis & Herculis.

inde Cerberum vincitum in auras extraheret : Samson ab hostibus obfessus apprehendit ambas portae fores cum postibus suis & serâ , impositâsque humeris suis portavit ad verticem montis , qui respicit Hebron . 3. Hercules et si apud Omphalem serviit , & effeminatus est , robur tamen corporis non perdidit , sed Cacum & Nessum , & alia etiam monstra interfecit : Samson et si in urbe Gaza vetitis amoribus implicatus fuit , retinuit tamen robur divinitus datum , quo portas urbis convellit cum vectibus suis , & in montem vicinum asportavit . 4. Hercules non gladio , non hasta , sed clavâ armatus ; Samson itidem neque ense , neque lancea , sed asini maxilla , tanquam clavâ , mille Philisthæos mactavit . 5. Utterque leonis domitor , leonis exuvias meritus est ; ille tamen victori suo pellem , iste dapem dedit . 6. Herculem noverca Juno , Samsonem dolosa Dalila , illa odio , hæc ficto amore agitavit . 7. Hercules Centaurum , Hydram , cervam æripedem , Harpyias , aliâque monstra superavit ; Samson Ascalonitarum , Gazæorum , Philistinorumque aliorum impetum fregit . 8. Hercules in monte Oeta mortem ultro suscepit ; idem fecit Samson , sed tanquam publicus populi sui judex , vindexque , facultate ad id à Deo accepta . 9. Hercules Abylen & Calpen duos vastissimos montes conjunxit , & in mari Occidentali seu Gaditano duas viatoriarum suarum columnas , tanquam munimenta erexit ; Samson apprehendens ambas columnas , quibus domus innitebatur ; fortissimè concussit , & unâ cum illis fanum idoli Dagonis , multaque hominum millia , & unâ seipsum , altiore instinctu , stravit . Vides hic , quid Ægyptij ab exilibus Hebraïs ; & quid ab Ægyptiis didicerint Græci , heroicæ virtutis ac fortitudinis imaginem , per fabulas adumbrantes . Cæterum Hercules Nemeæus Leo inter astra collocatus , rictu , pectore , cauda ardente symbolum est hominis iracundi .

Aspice prostratum Nemees in valle Leonem :

Herculeæ dextræ gloria prima fuit .

Tenuit in terris populos : & torret in astris ,

Horrida sive solo bellua , sive polo .

Hic typus irati est : quos pectore concipit ignes ,

Ore vomit , dextra percutiente jacit .



SYM-